



Bosnia and Herzegovina
Federation of Bosnia and Herzegovina

CANTON SARAJEVO
Cantonal Administration for Inspection Issues

Broj: 14-02-04-01540/23
Sarajevo, April 04. 2023. godine

- 5 - 04 - 2023		Broj priloga
15	04	7728-4-28

SKUPŠTINA KANTONA SARAJEVO
(Na pažnju: Elvedin Okerić, predsjedavajući)

PREDMET: Informacija, dostavlja se;

VEZA: Zastupnička inicijativa, broj: 01-04-7728-4/23 od 24.03.2023. godine

Poštovani,

U skladu sa Vašim aktom, broj i datum veze, koji se tiče zastupničkog pitanja zastupnice Admele Hodžić, postavljenog na Petoj radnoj sjednici Skupštine Kantona Sarajevo, održanoj dana 24.03.2023. godine, a koje glasi:

" Na osnovu člana 211. Poslovnika Skupštine Kantona Sarajevo ("Službene novine Kantona Sarajevo", broj 41/12 – Drugi novi prečišćeni tekst, 15/13, 47/13, 47/15, 48/16, 9/20, 14/20, 16/22 i 17/22) upućujem ministru saobraćaja gđinu. Šteti i molim Vas da mi odgovorite što je prije moguće, na osnovu čega je red vožnje izmijenjen na štetu građana općine Hadžići, odnosno smanjen broj linija te potpuno ukinut posljednji polazak za liniju 33 Ilidža – Vukovići u 22.30?", te između ostalog i zahtjeva "za inspekcijski nadzor kako bi se utvrdilo na osnovu čega se donosi ovakva diskriminirajuća odluka i ukida posljednji polazak s Ilidže za Vukoviće a da se taj nedostatak ne nadomjesti uslugom privatnog prijevoznika kao u ostalim dijelovima KS", informišemo Vas slijedeće:

- Član 11. Zakona o javnom prijevozu putnika u Kantonu Sarajevo (Sl.novine Kantona Sarajevo, broj 1/22), propisuje isključivu nadležnost Ministarstva za modifikaciju mreža linija (uvođenja nove linije, skraćanja linija, brisanja stajališta, brisanja reda vožnje, brisanja vezanih redova vožnje, uvođenja novog stajališta, produženja postojeće linije), nadležnost da na zahtjev operatera privremeno promijeni važeću mrežu linija uslijed privremenog produženja održavanja linije do konačnog izbora operatera i registracije reda vožnje, odlučuje o uspostavljanju novih i ukidanju postojećih linija i sl., a na osnovu analize opravdanosti zahtjeva i mišljenja komisije za modifikaciju mreže linija javnog prevoza putnika u Kantonu Sarajevo.


- Član 13. navedenog Zakona propisuje da Ministarstvo mrežom linija određuje broj polazaka na pojedinom redu vožnje, odnosno utvrđuje red vožnje na osnovu Zakonom propisanih kriterija.

- Član 58. Zakona propisuje da nadzor nad provođenjem odredbi Zakona o javnom prijevozu putnika u Kantonu Sarajevo vrši Ministarstvo, dok poslove inspeksijskog nadzora provođenja odredbi ovog zakona obavljaju kantonalni inspektori cestovnog prometa i kantonalni komunalni inspektori, svaki u okviru svoje nadležnosti na način utvrđen zakonom.

Rješenjem Ministarstva saobraćaja Kantona Sarajevo, broj: 04-23-5561-4-4-1/21 od 20.05.2022 godine Ministarstvo je obrisalo iz registra redova vožnje, pod rednim brojem 28/04, između ostalih i polazak za liniju 33 Ilidža – Vukovići u 22.30 sati, dok je djelimičnim Rješenjem, broj: 04-23-43842-2-68-3/22 AV od 02.03.2023 godine Ministarstvo prihvatilo prijedlog komisije za modifikaciju mreže linija javnog prevoza putnika u KS i uvažilo zahtijev prijevoznika.

U skladu sa prethodno navedenim, informišemo Vas da kantonalni inspektori Kantonalne uprave za inspeksijske poslove Kantona Sarajevo nisu nadležni za vršenje inspeksijskog nadzora radi utvrđivanja osnova za donošenje odluka - Rješenja Ministarstva.

S poštovanjem,



Dostavljeno:

1. Naslovu
2. Premijer Vlade Kantona Sarajevo
3. Sekretar Skupštine Kantona Sarajevo
4. Sekretar Vlade Kantona Sarajevo
5. a/a